

I. Libreng Senior Citizen ID card na ibinibigay ng Office of Senior Citizens Affairs (OSCA) sa munisipyo o lungsod kung saan nakatira ang senior citizen.

II. 20 porsyento (20%) diskuwento at hindi pagbabayad ng value added tax (VAT), kung nauukol, sa mga sumusunod:

A Kalusugan

1. Pagbili ng gamot (*generic o branded*), kabilang ang para sa *influenza* at bakuna laban sa *pneumonia*, at iba pang mahahalagang gamit-pangkalusugan, at mga aparato na tutukuyin ng *Department of Health (DOH)*.



- Kabilang din ang mga gamot na puwedeng bilhin kahit hindi kailangan ng reseta (*over the counter*) gaya ng *paracetamol*. Kinakailangan lang na dala ninyo ang ID at *purchase booklet*. Ang gamot na maaaring bilhin kung walang reseta ng doktor ay para lamang sa isang linggong gamitan.
- Pagbili ng salamin, *hearing aid*, pustiso, pagpalit ng *artificial bone*, saklay, *wheelchair* (manual o de-kuryente), tungkod, *diaper*, at iba pang kagamitang pangkalusugan, at aparato na ginagamit ng senior citizen.



Baston/saklay



Salamin



wheelchair

2. Pagbayad ng **professional fee (PF)** sa mga doktor sa lahat ng pribadong ospital, pagamutan, mga klinika, at *home health care services*; at mga lisensyadong *health providers* na minungkahi at inendorso ng mga pribadong ospital o kaya'y nagtatrabaho sa mga *home healthcare employment agency*.

3. Serbisyong pangkalusugan at **dental**, bayad sa mga **laboratory at mga test** sa lahat ng mga pribadong ospital, pagamutan, klinika, at mga *home healthcare services*. Alinsunod sa mga pamantayan at regulasyon na inilabas ng DOH, sa pakikipag-ugnayan sa PhilHealth.

B Transportasyon

1. Pamasahe sa sasakyang panlupa: pampublikong bus, pampublikong *jeep*, *taxi*, *FX/van*, *UV Express*, *MRT*, *LRT*, at *PNR*.

2. Pamasahe sa eroplano at barko sa mga biyaheng sa loob lamang ng bansa at mga kaparehong pampasaherong sasakyan batay sa itinakdang pamasahe at *advanced booking*

C Hotel at iba pang parehong uri ng matitirhan, restawran at bakasyon, mga punenarya at serbisyo sa libingan sa pagpanaw ng senior citizen:

1. Para sa mga restawran, tanging ang pagkain na inorder ng (mga) *senior citizen* ang magkakaroon ng 20% na diskuwento.

- Ang diskuwento ay maaari ring magamit sa mga *take-out/take home*, *drive thru*, *delivery*, at iba pang inorder o binili gamit ang *credit card*.
- Hindi puwede ang dalawang uri ng diskuwento. Para sa mga bilihin na mayroon ng diskuwento, maaaring makuha ng *senior citizen* ang diskuwento o ang 20% diskuwento, alinman ang mas mataas.

2. Paggamit ng *gym* at *sports facilities* o kagamitan sa pagpapalakas ng katawan, lugar para sa *ballroom*, *yoga*, *badminton*, *bowling*, *tennis*, at *martial arts facilities*.

3. Bayad sa panonood ng teatro, pelikula, *concert*, *circus*, at iba pang lugar ng libangan.

4. Ang benepisyaryo o sinumang magbayad ng gastusin sa paglilibing ng namayapang nakatatanda ay maaaring makakuha ng 20% na diskuwento kung maipapakita ang katibayan ng pagkamatay (*death certificate*) ng *senior citizen*. Ang iba pang mga gastusin sa paglilibing na may diskuwento ay ang kabaong o *urn*, *embalming*, *cremation*, serbisyo sa lamay, pagkuha ng katawan ng namayapa mula sa *morgue*, at paghahatid ng namayapa sa kanyang libingan. Hindi naman kabilang sa may diskuwento ang paglalathala sa *newspaper* at ang loteng paglilibing.

III. Iba pang pribilehiyo

A Hindi pagbayad ng *income tax* ng mga *senior citizen* na kumikita ng *minimum wage*.

B Hindi pagbayad ng *training fee* para sa mga programang *socio-economic*.

C Libreng serbisyong pangkalusugan at **dental**, bayad sa **laboratory at mga test** sa mga pampublikong pasilidad (gaya ng, ngunit hindi limitado sa, *x-ray*, *tomography scan*, *blood test*, batay sa gabay at pamantayan na inilabas ng DOH sa pakikipag-ugnayan sa PhilHealth).

D Libreng bakuna laban sa *influenza* at *pneumonia* para sa mga pasyenteng mahihirap na *senior citizen* na ibibigay ng DOH.

E Tulong sa pag-aaral para sa mga *senior citizen* para makapag-aral sa *high school*, kolehiyo, bokasyonal, pati na rin ang mga *short-term courses* para mapatalas ang kaalaman, sa parehong pampubliko at pribadong paaralan sa pamamagitan ng pamamahagi ng *scholarships*, *grant*, tulong pinansiyal, subsidiya, at iba pang insentibo para sa mga kuwalipikadong *senior citizen*, kabilang ang pagtulong sa pagkakaroon ng *allowance* sa libro, kaalamang pampagkatuto, at uniporme.



F Benepisyo at pribilehiyo sa mga **retirado**, hanggang sa kakayanin at maaari, ang pagpapatuloy ng parehong benepisyo at pribilehiyo na ibinibigay ng *Government Service Insurance System (GSIS)*, *Social Security System (SSS)*, at ang *PAG-IBIG*, batay sa karanasan, na parehong natatamang nasa serbisyo.

G Espesyal na pila para sa mga **senior citizen** sa lahat ng pribado at pampublikong establisyemento; kung wala nito, dapat na bigyan ng prayoridad ang mga *senior citizen*.

H Diskuwento sa pagkunsumo ng kuryente at tubig

1. Limang porsyentong (5%) diskuwento sa buwanang konsumo ng tubig at kuryente na ibinibigay ng pampublikong establisyemento sa mga indibidwal na metro na nakapangalan sa *senior citizen* na nakatira doon, at sa mga kumukunsumo ng hindi lalagpas sa 100 *kilowatt per hour (kwh)* ng kuryente at 30 *cubic meters* ng tubig.

2. Hindi bababa sa limampung porsyento (50%) na diskuwento ay ibibigay sa pagkonsumo ng kuryente, tubig, at telepono ng mga *senior citizen center* at mga *residential/group homes* na pinapatakbo ng pamahalaan o ng mga *non-stock, non-profit domestic corporation* na inorganisa at pinapatakbo para sa ikabubuti ng pamumuhay ng mga inabandona, napabayaang, walang kamag-anak, at *senior citizen* na walang tirahan, batay sa pamantayan na binalangkas ng *DSWD*.



IV. Tulong ng Gobyerno

A Employment

Ang mga *senior citizen* na may kakayahan at gustong magtrabaho, o kaya'y gusto muling magtrabaho ay bibigyan ng impormasyon at *matching services* ng *DOLE* at ng iba pang katuwang na ahensya ng pamahalaan at ng mga *LGUs* upang maging bahagi muli sila ng produktibong miyembro ng lipunan. Ang patakaran sa pag-employo ay dapat na sumunod sa probinsyon ng *Labor Code*, at iba pang batas, pamantayan, at regulasyon.



B Kalusugan

1. Ang DOH, sa pakikipag-ugnayan sa mga *Local Government Units* (LGUs), *Non-Government Organisations* (NGOs) o *People's Organisations* (POs) para sa *senior citizen*, ay magsasagawa ng isang pam-bansang programa sa kalusugan at magbibigay ng naaayong serbisyong pang-kalusugan sa mga *senior citizen*.

2. Magsasanay ng mga *community-based health worker* sa mga *senior citizen* at mga kawani ng sangay ng kalusugan na mag-espesyalisa sa *geriatric care* at problemang pangkalusugan ng mga *senior citizen*.

C Edukasyon

Ang *Department of Education* (DepEd) ang *Technical Education and Skills Development Authority* (TESDA) at ang *Commission on Higher Education* (CHED) sa pagkokonsulta sa *non-government organizations* (NGOs) at mga *people's organizations* (POs) para sa mga *senior citizen*, ay magbabalangkas ng mga programa para matiyak ang akses sa pormal at hindi-pormal na edukasyon.

D Serbisyong panlipunan

1. **Self and social enhancement services** na nagbibigay ng oportunidad sa mga *senior citizen* para makipagkaibigan, maka-pag-organisa, malikhaing makapag-pahayag, at mapahusay ang sarili.

2. **After care and follow-up services** sa mga *senior citizen* na napalabas na mula sa mga tahanan o mga institusyon ng mga nakatatanda, lalo na iyong mga may problema sa muling pagsasama-sama sa kanilang pamilya at komunidad, kung saan parehong ang *senior citizen* at ang kanilang pamilya ay nabibigyan ng *counselling*.

3. **Neighborhood support services** kung saan ang mga pamayanan o ang miyembro ng pamilya ay nagbibigay ng serbisyo sa kanilang mga mahal sa buhay na mahina, may sakit o kaya'y hindi na makalakad, tulad ng *bedridden* na mga *senior citizen*.

4. **Substitute family care** sa paraan ng pagkakaroon ng mga *residential care* o *group home* para sa mga inabandona, napabayaang, walang kamag-anak, o mga walang tirahan na *senior citizen* at iyong mga hindi na kayang kalingain ang sarili.



V. Natatanging Serbisyo

Espeyal na serbisyo para sa mga *senior citizen* sa pagbili ng *basic commodities*. 5% diskuwento ang para sa sumusunod na produkto:

De latang sardinas, tuna, evaporada, condensada, tinitimplang gatas; kape, tinapay, asukal, *instant noodles*, *luncheon meat*, *meat loaf*, *corned beef*, *ready-to-cook* na baboy, baka, at manok, kahit *frozen* nasa ref /napreserba, bareta ng sabon, *powdered* na sabon panlaba, at sabon na panligo.

VI. Karagdagang Tulong ng Gobyerno

A Social pension

Php 500 buwanang pensyon sa mga maralitang/mahihirap *senior citizen*

B Mandatory na PhilHealth Coverage o ang Republic Act 10645

Lahat ng *senior citizen* ay sakop ng pam-bansang *health insurance* program ng PhilHealth

C Social safety nets

Ang mga tulong na nakalaan upang hindi labis na maapektuhan ang mga *senior citizen* ng pagbagsak ng ekonomiya, mga sakuna at kalamidad. Kabilang sa *social safety assistance* ang pagkain, gamot, tulong pinansiyal para sa pagpapaayos ng tirahan, ngunit hindi limitado sa nabanggit ang mai-bibigay na tulong. Magmumula ang pondo sa LGU kung saan nakatira ang *senior citizen*, alinsunod sa pamantayan na inilabas ng DSWD.

D Death Benefit Assistance

Pagbibigay ng hindi bababa sa **Php 2,000.00 death benefit assistance** ay ibibigay sa pinakamalapit na kamag-anak ng namayapang mahirap na *senior citizen*.

Parusa:

- Unang paglabag: pagkakakulong ng hindi bababa sa dalawang taon ngunit hindi lalagpas ng anim na taon at multa na hindi bababa sa Php 50,000 at hindi hihigit sa Php 100,000.
- Susunod na (mga) paglabag: pagkakakulong ng hindi bababa sa dalawang taon ngunit hindi lalagpas ng anim na taon at multa na hindi bababa sa Php 100,000 at hindi hihigit sa Php 200,000.
- Sinumang tao na inaabuso ang mga pribilehiyo: pagkakakulong ng hindi bababa sa dalawang taon ngunit hindi lalagpas ng anim na taon at multa na hindi bababa sa Php 50,000 at hindi hihigit sa Php 100,000.
- Ang mga korporasyon, *partnership* at organisasyon o iba pang kaparehong grupo, ang mga opisyal na may direktang kinalaman gaya ng presidente, *general manager*, *managing partner*, o katulad na opisyal kasama ang pamunuan ng opisina ay may pananagutan.
- Banyagang lumabag sa batas: Agad na ipapabalik sa kanyang bansa matapos mapagsilbihan ang nakalaang panahon ng pagkakulong
- Paghain ng naaayong reklamo, at matapos ang proseso at pagdinig sa kaso, ang mga inatasang otoridad ay maaaring bawiin o ikansela ang *business permit*, *permit to operate*, prangkisa at iba pang parehong pribilehiyo na ibinibigay sa sinumang tao o establisyemento o negosyo na hindi makasusunod sa probisyon ng batas.

Ipakita ang alin man sa sumusunod upang matamasa ang inyong karapatan at pribilehiyo:

- Senior Citizen ID card
- Pasaporte ng senior citizen
- Iba pang dokumento na nagpapatunay na isang ganap na *senior citizen* ng Pilipinas at may edad na hindi bababa sa 60 taong gulang.

Inilimbag ng: **Coalition of Services of the Elderly Inc. (COSE)**
1407 Quezon Avenue,
West Triangle, Quezon City
Metro Manila 1104, Philippines
Tel: +63 2 374 6416 | Fax: +63 2 709 6567
admin@cose.org.ph
www.cose.org.ph
www.facebook.com/CoalitionOfServicesOfTheElderly

Sa tulong ng:



Copyright © COSE 2017



Republic Act No. 9994

EXPANDED SENIOR CITIZENS ACT OF 2010



Mga benepisyo at pribilehiyo ng isang senior citizen sa Pilipinas